

BAKE ETA BIZIKIDETZA PLANA 2013-2016

2015eko bigarren sei-hilekoari dagokion jarraipen-txostena

I.- Txostenaren justifikazioa eta xedea

Gobernu Kontseiluaren 2013ko azaroaren 26ko Akordioak, Bake eta Bizikidetzaren Plana onartu zuenak, azken horren indarraldian egin beharreko jarraipen- eta ebaluazio-sistema arautu zuen; zehazki:

"Laugarrena.- "Bake eta Bizikidetzaren Plana 2013-2016 – Gizarte-topaketa helburu" izeneko planaren jarraipena eta ebaluazioa Gobernu Kontseiluaren 2013ko ekainaren 11ko Akordioan eta Planean bertan ezarritakoaren arabera gauzatuko dira. Azken horrek berezitasun hauek jasotzen ditu:

·Planean bertan sortutako Sailarteko Batzordeak egingo du etengabeko jarraipena, sei hilabete behin."

Era berean, Planak bere Zeharkako Ardatzean aipatzen ditu horren kudeaketarekin zein jarraipen- eta ebaluazio-sistemarekin lotutako ekimenak. Besteak beste, Sailarteko Batzordeari esleitzen dio sei hilabete behin Planaren etengabeko jarraipena egiteko ardura.

Beraz, 2014ko abenduaren 18an sortutako organo horri dagokio jarraipen-txosten hau onartzea planeko ekimenei dagokienez eta, zehazki, sei-hileko honi bereziki lotuta dagoen gauzatze-konpromisoa duten horiei dagokienez. Horren ondorioz, laugarren jarraipen-txosten honek egiten du 2015eko bigarren sei-hilekoan Bake eta Bizikidetzaren Planak izandako kudeaketari eta gauzatzeari buruzko balantzea.

Jarraipen eta ebaluazio atal horretan bertan, Planak berak esaten du Bake eta Bizikidetzaren Planaren garapeneri buruzko kanpo-ebaluazio osoa egiteko mekanismoa ezarriko dela –bat garapeneraren erdian, eta beste bat legegintzaldiaren amaieran–, eta ebaluazio horretako emaitzak baliatuko direla Planaren lan-programa eguneratzeko.

Sei-hileko honen barruan, irailaren 9an aurkeztu eta eman zitzaion lehendakariari Bake eta Bizikidetzaren Planaren tarteko ebaluazioari buruzko txostena. Txostena Roberto Toscano, Covadonga Morales, Jesús Núñez eta Francisco Rey adituek egin dute. Handik hilabetera, Bake eta Bizikidetzaren Planaren garapeneri buruzko legegintzaldiaren amaierako txostena jaso du Gobernu Kontseiluak. Dokumentu hark Planaren programa eguneratu zuen, kanpo-ebaluazioak emandako iradokizun eta gomendioak aintzakotzat hartuta. Hori dela eta, adierazitako bi txosten horietatik eratorri diren aurreikuspen berrien jarraipena txertatzen da sei-hileko txosten honetan.

Dokumentuaren lehenengo atalean, aurrekoetan bezala, ageri den koadroak Planaren jarraipenaren balantzea laburbiltzen du, lau zutabetan. Lehenengo zutabean Plana osatzen duten 18+1 ekimenen izenburuak jaso dira; bigarren, sei-hileko honetarako aurreikusitako ekintzak, eta, azkenik, hirugarrenak ekimen horietako bakoitzaren garapena deskribatzen du. Azken zutabeak 2015eko abenduaren 31n ekintzok erdietsi duten betetze-ehunekoa jasotzen du, eta, beharrezkoa den kasuetan, gauzatze-egutegian egindako doikuntzak zehazten eta arrazoitzen ditu. Jarduketan jarraipenaren balorazio proportzional hori planaren gauzatze potentzialari lotuta dauden 5 mailatan sailkatzen da: 2015eko abenduaren amaieran, aurreikuspenak % 20, % 40, % 60, % 80 edo % 100 bete dira.

Dokumentuaren bigarren atalak balorazio-izaera duten alderdiak barne hartzen ditu, hiru ataletan egituratuta: analisia, aurreikuspenak eta ondorioak. Era horretan, hurrengo sei-hilekorako lehentasunak eta jarduketaren ardatz nagusiak aurrezartzen dira.

Lehenengo atala

2015eko bigarren seihilekoan Bake eta Bizikidetzaren Planak izan duen gauzatze-mailaren jarraipen-koadroa

1. Iraganarekin lotutako ekimenak

Ekimena	Aurreikusitako ekintzak	Jarraipena	Aurreikuspenen betetzearen % 2015-XII-31n
<p>-1. ekimena. Giza eskubideen urraketari eta horien ondoriozko ekintzei buruzko txostenak egitea</p>	<p>·Aurreko seihilekoekin lotutakoak:</p> <ul style="list-style-type: none"> -Hasierako txostenaren eduki eta gomendioen ondoriozko ikerketak eta ekintzak aztertu eta horien plangintza egitea. -Memoria historikoaren arloan, lehenengo inarri-programa kudeatzea. -Zuzendu programaren lehenengo ekitaldia, iraganeko gertatu diren giza-eskubideen urratzeen gaineko autokritikaren pedagogia sustatzera bideratua. -Emakumeen kontrako indarkeriari buruzko ikerketa jasotzea eta aurkeztea. 	<ul style="list-style-type: none"> ·Seihileko honetan, bi azterlan egin dira: bata, orokorra, mehatxuen errealitate eta eraginari buruzkoa, eta bestea, espezifikoa, mehatxuok Ertzaintzan duten eraginaren ingurukoa. ·Materia historikoaren arloko Programa garatzen ari da, bere 12 lan-proiektuen egutegiaren arabera. ·Urriaren 30ean eta 31n egin ziren lehenengo "Zuzendu Jardunaldiak". ·Abendu amaieran jaso dugu txostena. 2016ko urtarril-otsailean argitaratzea espero dugu. 	<p>·Seihileko honetarako aurreikusitakoa %100 bete da.</p>
<p>-2. ekimena. Memoriaren, Bizikidetzaren eta Giza Eskubideen Institutua.</p>	<p>·Aurreko seihilekoekin lotutakoak:</p> <ul style="list-style-type: none"> -Memoriaren eta Bizikidetzaren Institutua inauguratzea eta abian jartzea. 	<ul style="list-style-type: none"> ·2015eko azaroaren 7an, memoriari buruzko politika publikoen gaineko jardunaldi bat egin zen. Azaroaren 10ean, Gogora Institutua aurkeztu zen jendaurrian; eta gaur egun normaltasunez dihardu. 	<p>·Seihileko honetarako aurreikusitakoa %100 bete da.</p>
<p>-3. ekimena. Terrorismoaren Biktimen Memoriarako Zentroari ekarpena egitea</p>	<p>·Espainiako gobernuari dagokio proiektu hori zuzentzea eta dinamizatzea.</p>	<ul style="list-style-type: none"> ·Eusko Jaurlaritzak Terrorismoaren Biktimen Memoriarako Zentroaren Fundazioko hiru ordezkariak izendatu ditu eta hauek azaroaren 27an egindako bilera eratzailean hartu dute parte. 	<p>Eusko Jaurlaritzari dagokion atalean, aurreikusitakoa %100 bete da.</p>

<p>·4. ekimena. Terrorismoaren biktimei laguntzea, eta aitortpena eta ordainak ematea.</p>	<p>I. Jarraitutasun-jarduketak.</p> <ul style="list-style-type: none"> ·Laguntza-ekintzako ildoari eustea. ·Gizarte-erakundeekiko lankidetzari ildoari eustea. ·Ikerketak eta ikasketak sustatzeko ildoei eustea. ·Parte-hartzea sustatzeko ildoak. <p>II. Jarduketa berriak</p> <ul style="list-style-type: none"> ·"Bizitzeko eskubidearen aurkako urraketan udal argazkiak, herriz herri" izeneko proiektua aurkeztea. ·Eraikiz programa sustatzea eta hari ekitea. ·Batera konpromisoa onartzea. ·Testigantzak grabatzeko Gertu programa garatzen jarraitzea. 	<ul style="list-style-type: none"> ·Biktimei laguntzeko zerbitzua eta itzuli beharrik gabeko diru-laguntzen programa mantendu dira. ·Biktimen elkarteei zuzendutako diru-laguntzen ildoak mantendu egin da, bai eta Víctimas del Terrorismo Fundazioarekin eta Fernando Buesa Fundazioarekin egindako laguntza izendunak ere. ·Urteko ikerketak eta graduondoko ikasketak egiteko EHUrekin (KREI) sinatutako hitzarmenari jarraitutasuna eman zaio. ·Seihileko honetan, Terrorismoaren Biktimen Partaidetzarako Euskal Kontseiluak bilera bat egin du, eta bertan Kontseilua sortzeko dekretua aldatzeko proposamena aztertu da. ·Irailaren 4an, "Bizitzeko eskubidearen aurkako urraketan udal argazkiak, herriz herri" proiektua aurkeztu zen ekitaldi batean, alkateak bertan zirela. ·Irailaren 11n, askotariko biktimaz osatutako talde batek Eraikiz agiria aurkeztu zuen. ·Irailaren 22an, Batera konpromisoa onartu zuen Gobernu Kontseiluak. Batera konpromisoak etapa berri bat ekarri nahi du biktimen inguruko politiketara, etorkizunera begiratuta eta biktimen eta herritarren batasuna bultzatuta, denak elkarrekin hobeto bizi gaitezten. ·Gertu programaren bigarren fasearekin jarraitu da, Euskadin bizi diren hildakoen familien testigantzak grabatzeko helburuarekin. 	<p>·Seihileko honetarako aurreikusitakoa %100 bete da.</p>
---	---	--	--



<p>-5. ekimena. Egungo legedian babesik ez duten biktimei laguntzea eta aitortpena eta ordainak ematea.</p>	<p>-Aurreko seihilekoarekin lotutakoak:</p> <ul style="list-style-type: none"> -Lehenengo dekretuan jatorria duen prozesuaren kudeaketa amaitzea. <p>-Bigarren tresna bat prestatzea, 1978tik aurrera lehendabiziko dekretuari jarraipena emateko.</p>	<ul style="list-style-type: none"> -107/2012 Dekretua, 1960tik 1978ra bitartean, giza eskubideen urraketen ondorioz sufrimendu bidegabeak jasan zituzten biktimak aitortzekoa eta biktima horiei ordainak ematekoa, kudeatzen jarraitu da. Aurreikuspenekin bat, 2015eko bigarren seihilekoan amaituko da kudeaketa. -Estatuko abokatutzak dekretuaren aurka aurkeztutako errekurtsioa dela eta, atzerapenak izan ziren haren kudeaketan eta aurreikusitako bigarren tresnaren garapenean. -Eusko Jaurlaritzak 1978. Eta 1999. urteen artean legez kanpoko kontraterrorismoek eragindako giza eskubideen urraketen ondoriozko biktimei aitortpena eta ordainak emateko legea onartzeko proposamena aurkeztu du egiteko. 	<ul style="list-style-type: none"> -Aipatu errekurtsioak eragindako atzerapenak direla eta, ekimenari lotuta seihileko honetarako aurreikusitakoaren %80 bete da. -Legearen aurkezpena dela eta, seihileko honetarako aurreikusitakoaren %100 bete da.
<p>-6. ekimena. Torturari buruzko ikerketa eta ekintza</p>	<p>-Torturari buruzko ikerketa eta ekintzarako jarduketa-programa garatzea.</p>	<p>-2015ko bigarren seihilekoan, Kriminologiaren Euskal Institutua aurrera eramaten ari den 1960tik 2010era bitartean izandako Torturen Ikerketa Proiektuak aurreikusitako faseak gauzatu ditu.</p>	<p>-Seihileko honetarako aurreikusitakoa %100 bete da.</p>



2. Orainarekin lotutako ekimenak

<p>-7. ekimena. Eusko Legebiltzarrarekin lankidetzan aritzea eta batera lan egitea</p>	<p>·Lankidetzan aktiboan jardutea legebiltzarrarekin bizikidetzarako estrategikoak diren Jaurlaritzaren proiektu guztietan.</p> <p>·Adostutako jarduera-lerroen eguneratze- eta garapen-txostena aurkeztea.</p>	<p>·Orain arte, Bake eta Bizikidetzarako Batzorde Txostengileak ezin izan ditu bere lanak aurrera eramanez, legebiltzar-taldeek ez baitute akordiorik lortu. Hala ere, Bakegintza eta Bizikidetzarako Idazkaritza Nagusiak irekita ditu Eusko Legebiltzarrarekiko komunikazio- eta lankidetzan-ildo guztiak, baita legebiltzar-taldeekikoak ere.</p> <p>·2015eko lehenengo seihilekoan, herritarren parte-hartzearen inguruko bi erakundeon arteko lankidetzan-esparruaren eguneratzea adostu zen, eta Irekiaren eta Eusko Legebiltzarraren arteko lankidetzan-hitzarmenaren barruan jaso da.</p>	<p>·Seihileko honetarako aurreikusitakoaren %80 bete da; izan ere, Bake eta Bizikidetzarako Batzorde Txostengileak bertan behera gelditu denez, ezin izan da lankidetzan-ildo handiagorik aurrera eramanez.</p>
<p>-8. ekimena. Espetxe-politikan Hitzeman Programa garatzea</p>	<p>·Espainiako gobernuarekin elkarriketatzea eta akordioak bilatzea.</p> <p>·Aurreko seihilekoarekin lotutakoak:</p> <p>-2015eko ekainetik 2016ko ekainera Hitzeman Programaren inguruan fase pilotua garatuko da birgizarteratze-eredu bat definitze aldera.</p>	<p>·Eusko Jaurlaritza eta Bakegintza eta Bizikidetzarako Idazkaritza Nagusia Espainiako gobernuarekin harremanetan egon badira ere, ezin izan da arlo horren inguruko akordiorik lortu.</p> <p>·Birgizarteratze-eredu bat zehaztera bideratutako Fase pilotua aurreikuspenen arabera ari da garatzen. Bere aurkezpena ekainerako aurreikuspenen arabera "Justizia leheneratzailea eta terapeutikoa: justizia eredu berritzaileak bilatzen" Europar Kongresuan, hain zuzen ere.</p>	<p>·Seihileko honetarako aurreikusitakoa %80 bete da. Hauteskunde-egutegia zela eta, esperientzia pilotuaren hasiera hilabete batzuk atzeratzea gomendatu zen.</p>
<p>-9. ekimena. Europar Batasunarekiko lankidetzan-ildoak bultzatzea</p>	<p>·Aurreko seihilekoarekin lotutakoak:</p> <p>·Lankidetzan-espazioak egituratzea.</p> <p>·Ezarritako jarduketan-ildoak eguneratu eta garatzea.</p>	<p>·2015. urtean zehar, SEUPBarekin (EBko programa bereziak kudeatzeko ardura duen erakundearekin) lankidetzan-programa bat aurkeztu eta koordinatu da, hiru esparru hauetan: gazteria, hezkuntza eta biktimak. Proiektuak abian jartzeko, IV. Bake Programa onartu behar dute europar erakundeek; aurreikuspenen arabera, 2016ko hasierarako egingo dute.</p>	<p>·Seihileko honetarako aurreikusitakoaren %80 bete da, europar erakundeek egin beharreko IV. Bake Programaren onarpena atzeratu baita.</p>



<p>-10. ekimena. Nazio Batuen Giza Eskubideetarako Goi Komisarioaren Bulegoarekin lankidetzan aritzea.</p>	<p>·2015eko memoranduma sinatzea eta 2014ko balorazio-txostena jasotzea.</p>	<p>·2015ean, Nazio Batuen Giza Eskubideetarako Goi Komisarioaren Bulegoarekin harremana kudeatu da behar bezala gauzatu den diru-laguntza izendun baten bidez. Bulegoarekin harremana mantendu dugu eta irailean bidai bat egin genuen Genevara non etorkizunera begira harremanak estutu egin diren.</p>	<p>·Seihileko honetarako aurreikusitakoa %100 bete da.</p>
<p>-11. ekimena. Euskal unibertsitateen ekarpen partekatua</p>	<p>·Desarrollo del proyecto de contribución compartida establecido para 2015.</p>	<p>·Bigarren seihelekoan, hiru unibertsitateek 2015erako aurreikusitako proiektuan lan egin dute. Proiektuaren ardatza izan da bakerako hezkuntza-tresnak prestatzea unibertsitatearen arloan. 2016 hasieran aurkeztuko da.</p>	<p>·Seihileko honetarako aurreikusitakoa %100 bete da.</p>
<p>-12. ekimena. ERTZAINZAren Konpromiso Sozialaren ERTZAINZAren Konpromiso Sozialaren jarraipena Bizikidetzaren eta Giza Eskubideen alde.</p>	<p>·ERTZAINZAren Konpromiso Sozialaren Jarraipenaren Programa aktibatzea, edukiak eta jarraipen- eta ebaluazio-tresnak ezarrita.</p>	<p>·ERTZAINZAren Konpromiso Sozialaren Jarraipenaren Programa mantendu da polizia-erakunde beretik zein Arkauteko Akademiatik; prestakuntza emango dutenen prestakuntzarako, polizia-agenteen prestakuntza etengabeko eta polizia-promozio berrien prestakuntzarako ekimenak.</p> <p>·Barne hedapen- eta sentsibilizazio-lanak Parez Pare jardunaldien bidez aurrera eramán dira.</p>	<p>·Seihileko honetarako aurreikusitakoa %100 bete da.</p>



3. Etorkizunarekin lotutako ekimenak

<p>-13. ekimena. Lankidetzaren publiko-soziala euskal elkartearen sarearekin</p>	<p>·Aurreko seihilekoarekin lotutakoa</p> <p>·Elkarrekin Bonu Programa eguneratu eta garatzea.</p>	<p>·2015ean Elkarrekin Bonu Programa mantendu da, hiru alor hauetan euskal elkartearen sareko hainbat erakunderen arteko lankidetzaren espazioak sustatzen dituen: hezkuntza, herritarren parte-hartzea eta tokiko bizikidetzaren. Programaren eguneraketa 2015erako deialdiaren aginduetan jasota dago.</p> <p>·Bakearen, bizikidetzaren eta giza eskubideen alde lan egiten duten elkarteentzako diru-laguntzen urteko deialdiari eutsi zaio.</p>	<p>·Seihileko honetarako aurreikusitakoa %100 bete da.</p>
<p>-14. ekimena. Herritarren parte-hartzea sustatzea</p>	<p>·Aurreko seihilekoarekin lotutakoa</p> <p>·Hitzartutako jarduketako-ildoak eguneratu eta garatzea.</p>	<p>·Parte-hartze politikak hiru ardatz aktiboren bidez aurrera eramaten dira:</p> <p>·Lankidetzaren publiko-soziala, Elkarrekin Bonu Programaren bidez.</p> <p>·Eusko Jaurlaritzak dituen parte-hartze tresnak.</p> <p>·Udalekin eta Foru Aldundiekin akordioak lortzea, parte-hartzea bultzatzeko.</p> <p>·Horretaz aparte, seihileko honetan Memoriaren Plaza herritarrek parte-hartzeko programarekin jarraitu da, eta Lokarri eskatutako herritarren parte-hartzeari buruzko azterlan jaso da, bere esperientziaren ondarea eta nazioarteko beste esperientzia batzuk biltzen dituen.</p>	<p>·Seihileko honetarako aurreikusitakoa %100 bete da.</p>
<p>-15. ekimena. Adostasuna bizikidetzaren alde foru-aldundiekin eta udalekin</p>	<p>·Aurreko seihilekoarekin lotutakoa</p> <p>·Erakunde arteko akordioak abian jartzea.</p> <p>·Hitzartutako jarduketako-ildoak eguneratu eta garatzea.</p> <p>·Bake, bizikidetzaren eta memoriarako politika publikoak koordinatzeko eta bultzatzeko topaketa bat egitea Foru Aldundiekin.</p>	<p>·2015ean, Bizkaiko Foru Aldundiarekin adostasuna lortu ostean, Elkarrekin Programa abiarazi genuen.</p> <p>·Udalei zuzendutako diru-laguntzen deialdiari eutsi zaio, bakearen, bizikidetzaren eta giza eskubideen aldeko ekimenak garatu ditzaten.</p> <p>·Aurreikuspen hau 2016ko lehenengo seihilekora eramana da.</p>	<p>·Betetze-ehunekoa %60 da hauteskunde orokorren kanpainaren eraginez.</p>

<p>-16. ekimena. Jarduketa-ildo osagarriak bultzatzea hezkuntza formalaren arloan.</p>	<p>·Aurreko seihilekoarekin lotutakoa -Aurreko jarduketa-ildoak eguneratzea eta garatzea.</p>	<p>·Aurreikusitakoaren arabera egin da aurrera Bake eta Bizikidetzaren Planak hezkuntzaren arloan jasotzen dituen lau proiektuen kudeaketari dagokionez: Gizalegez Akordioa, Elkarrekin Programa, Adi-Adian Hezkuntza Modulua eta Bakegune Eskola.</p>	<p>·Seihileko honetarako aurreikusitakoa %100 bete da.</p>
<p>-17. ekimena. Jarduketa-ildo bereziak sustatzea gazteriaren, kulturaren eta hezkuntza ez-formalaren arloetan</p>	<p>·Aurreko seihilekoarekin lotutakoa ·Euskadiko Gazteriaren Kontseiluarekin izenpetutako hitzarmenaren jarduketa-ildoak eguneratu eta garatzea.</p>	<p>·Euskadiko Gazteriaren Kontseilua aurreikusitakoa betez garatzen ari da hitzarmenaren edukia. ·En la semana del del 26 al 29 de octubre se ha celebrado el Zinexit.</p>	<p>·Seihileko honetarako aurreikusitakoa %100 bete da.</p>
<p>-18. ekimena. Gizartea sentiberatzea eta komunikabide publikoen konpromisoa lortzea</p>	<p>·Aurreko seihilekoarekin lotutakoa ·Abenduaren 10ean urtero ospatzen den Giza Eskubideen Adierazpen Unibertsalaren eta René Cassin sariaren inguruko lan-plangintzaren urteko diseinua. ·EiTBrekin adostutako lankidetzaren esparruko jarduketa-ildoak eguneratu eta garatzea, 2014-16 aldirako.</p>	<p>·Abenduaren 10ean urtero ospatzen den Giza Eskubideen Adierazpen Unibertsalaren eta René Cassin sariaren inguruko 2015eko lan-plangintza garatu da. ·Lankidetzaren akordioak ezartzen duen bezala, azken 50 urteetako memoria kritikoari buruzko dokumental-serie bat garatzen ari da eta 2016ko lehen seihilekorako amaitua edukitzea aurreikusten da.</p>	<p>·Seihileko honetarako aurreikusitakoa %100 bete da.</p>



-Planaren kudeaketarekin lotutako ekimenak

<p>-I. fitxa. Bake eta Bizikidetza Plana bultzatu, kudeatu eta koordinatzea</p>	<p>·Aurreko seihilekoarekin lotutakoak:</p> <ul style="list-style-type: none"> -Aurreikusitako jarduketa-ildoak eguneratu eta garatzea: <ul style="list-style-type: none"> ·Sailarteko Batzordea. ·Koordinazio Batzordea. ·Bake eta Bizikidetza Planaren Aholku Batzordea. ·Planaren kanpoko ebaluazioa. 	<ul style="list-style-type: none"> ·Sailarteko Batzordeak aurreikusitako lan-egutegia garatzen du. ·Legebiltzar-taldeek 2014ko uztailaren 3an egindako bileran adierazitakoaren arabera, koordinazio-batzorde bat sortu ordez, gobernuaren eta legebiltzar-taldeen arteko harreman-eredu bat eratuko da, formalki ezarrita ez dagoena. ·Bake eta Bizikidetza Planaren Aholku Batzordea osatuta dago, eta aurreikusitako lan-egutegia garatzen ari da. ·Seihileko honetan zehar, planaren lehenengo kanpoko ebaluazioa jaso da, planak bide erdia eginda. 	<ul style="list-style-type: none"> ·Seihileko honetarako aurreikusitakoa % 100 bete da. Programatutako neurriak aurreikusitako egutegiaren arabera bete dira.
--	--	--	--

Bigarren atala

Balorazioa: analisia, aurreikuspenak eta ondorioak

1. Planaren programa-betetzea analizatzea 2015eko bigarren seihilekoan

Planaren jarraipenaren seihilekoetako txostenen tresnak alderdi kuantitatiboetan biltzen du arreta, eta, batez ere, egutegiko konpromisoen betetze-mailan. Planaren ebaluazio kualitatiboa modu espezifikoagoan lantzen da ebaluazio globalari buruzko kanpoko txostenetan. Zehaztapen hau egin ondoren, honako alderdi hauek dira aipatzekoak:

A. Bake eta Bizikidetzeta Plana Gobernu Kontseiluaren Akordio bidez onartu zen, 2013ko azaroaren 26an. 2014ko ahaleginik handiena aurreikusitako ekimenak martxan jartzea izan zen, planean bertan ezarritako lan-egutegia oinarritzat hartuta. Hala, bada, azpimarratu behar da 2014an, programako ekimen guztiak aktibatuta zeudela, gauzatze-maila ezberdinetan. 2015eko lehen seihilekoan, plana bere ekimenak garatu eta sendotzeko fasean sartu zen. 2015eko bigarren seihilekoan eta 2016ra begira, Plana bere ekimenak burutzeko fasean sartzen da.

B. 2015eko abenduaren 31n planaren lan-egutegiek duten betetzeari erreparatuz gero, aurreko txostenak erakutsi zuen antzeko maila adierazten du, hiru mailatan sailkatu daitekeena. Plana osatzen duten 18+I ekimenetatik, lehenengo mailan 14 ekimen daude, beren egutegi-konpromisoak %100 bete dituztenak; bigarren mailan %80ko betetze-maila duten lau ekimen daude eta hirugarrenean, %60ko betetze-maila duen ekimen bat.

C. Aipatu beharra dago egutegiko konpromisoak %100 bete dituzten ekimenak Bakegintza eta Bizikidetzarako Idazkaritza Nagusiaren ekintzaren mende zuzenean dauden ekimenak direla. Gauzatzean atzerapen-maila ezberdinak dituzten gainerako bost ekimenak beste erakunde batzuen elkarrekintzaren pean daude.

D. 2015eko bigarren seihilekoan, Bake eta Bizikidetzeta planak bere gauzatze-aurreikuspenak arrazoizko moduan bete ditu. Orain, hirugarren urteari ekingo dio. Kanpo-ebaluazioari esker, aurreikuspen batzuk doitu dira eta txosten bat landu da Plana legegintzaldiaren amaiera arte kudeatzeko. Gauden testuinguruan, azpimarragarriena da une honetan esan daitekeela legegintzaldiaren amaierarako maila handi batean beteko direla hasieran planteatu ziren ekimen eta proiektuak.



2. 2016ko lehenengo seihilekorako aurreikuspen nagusiak

2016ko lehenengo seihilekoari begira, jarduketa-programa zehatz-mehatz definituta dago Bake eta Bizikidetzaren Planaren garapenari buruzko legegintzaldiaren amaierako txostenean, zeinean aintzakotzat hartu diren Planaren kanpo-ebaluazioak azaldu dituen ondorioak. Txosten horrek zazpi lehentasun ditu, eta indarkeriari amaiera modu antolatuan emateko zeharkako konpromiso bat eta bizikidetzari buruzko printzipio berritzaile bat. Laburbilduta, honako hauek:

Indarkeriaren amaiera ordenatua lortzeko hiru lehentasun

Indarkeriaren amaiera ordenatua bultzatzera bideratzen diren lehentasunak dira.

- **Desarma.** Desarme egiaztagarria, baldintzarik gabea, itzulezina eta behin betikoa bultzatzea ETaren aldetik, bere desagertzea ziurtatu dezan.
- **Espetxe-politika.** Lege eta giza printzipioetan oinarrituz, normaltasun penala eta espetxe-normaltasuna lortzea, birgizarteratzera eta bizikidetzara bideratua.
- **Autokritika.** Giza eskubideen urraketari buruzko hausnarketa autokritikoa proposatu eta sustatzea iraganaren kudeaketa politikorako eredu eraikitzaile gisa.

Bizikidetzaren berritzaile abiarazteko lau lehentasun

Bizikidetzaren berritzeko prozesua bultzatzeko helburuan kokatzen diren lehentasunak dira.

- **Argitzea.** Jasandako indarkeriari eta terrorismoari buruzko egiari eta argitze-prozesuei, -ikerketei eta -azterlanei dagokienez gehiago sakontzea.
- **Biktimak.** Biktimen politikak etorkizunerako politika –ez iraganeko politika gisa bakarrik– eta biktimen eta gizartearen arteko bizikidetzarako politika gisa osatzea.
- **Memoria.** Indarkeriari uko egiten dioten eta giza eskubideen konpromisoan eta bizikidetzaren helburuan oinarritzen diren oroimen-politikak garatzea.
- **Bizikidetzaren kultura.** Bizikidetzaren kultura sustatzera bideraturiko ekimenak artikulatzea, hezkuntzaren, partaidetzaren eta konpromiso etikoaren bitartez.

Zeharkako konpromiso bat

Zazpi lehentasun horiek garatu eta azken fasean Bake eta Bizikidetzarako Plana elkarrekin kudeatzeko, Eusko Jaurlaritzak zeharkako konpromisoa berretsi du.

- **Adostasuna eta/edo ekimena.** Momentu eta jarduketa guztietan adostasuna bilatzea lehen aukera gisa eta, hura lortzen ez bada, aurrea hartu eta arriskuak hartzea, betiere desblokeoa sustatzeko helburuarekin.



3. Ondorioak

A. Positibotzat jo da Bake eta Bizikidetzaren Planeko 18+I ekimenen programa-betetzearen balantzea. 2013an, 2014an eta 2015ean abian jarritako eta garatutako ekimen guztiak 2016an amaitzeko pentsatuta daude.

B. 2016ko lehenengo sei hilabeteetan, Bake eta Bizikidetzaren Planaren garapenak legegintzaldiaren amaierako txostenean jasotako lehentasunak izango ditu oinarri (txosten hori aurreko atalean azaldu dugu).

C. "Gizarte elkartzea" sustatzea da Bake eta Bizikidetzaren Planean esplizituki jasotzen den misioa. Horrek esan nahi du ezen, plan honen bitartez, Eusko Jaurlaritzak plaza publiko bat eraikitzeko lanean lagundu nahi duela, herri honetako familia politiko guztiek partekatzen moduko plaza, alegia. Legegintzaldia amaitzeko geratzen den denboran, horrexek jarraituko du izaten Planaren misioa.

D. Bake eta Bizikidetzaren Planaren garapenari buruzko legegintzaldiaren amaierako txosteneko diagnosiak eta kanpo-ebaluazioaren ondorioek erakusten dute plan honen hiru urteotako kudeaketa erreferentzia bat izan dela eta eraginkorra izan dela. Legegintzaldiaren azken fase honetan, Planaren eginkizun nagusia hauxe izango da: gizartearentzat erreferentzia etiko eraikitzailea izaten jarraitzea, eta eragiteko elementu erabilgarri eta positiboa izatea, blokeo-egoerei aurre egiteko eta normalizazioan aurrera egiteko.

E. Eusko Jaurlaritzak uste osoa du euskal gizarteak trantsizio garbi eta atzerapenik gabea eskatzen duela. Nahi du *zaharra* betiko hil dadin, eta *berria* behingoz jaio dadin. Alde horretatik, Bake eta Bizikidetzaren Planaren kudeaketaren xede nagusia, azken etapa honetan, indarkeriari amaiera modu antolatuan emateko lanean eta bizikidetzaren hasiera berritzaile batean ahalegina egitea da.

F. Legegintzaldiaren amaieran, Bake eta Bizikidetzaren Planaren kudeaketa kanpotik ebaluatzeko beste prozesu bat egingo da. Kudeaketaren balantzea, egoeraren diagnostikoa eta ebaluazio horren emaitzak baliatuko dira, datorren legegintzaldiari begira bakegintza eta bizikidetzaren politikak planifikatzeko tresna berri bat lantzeko oinarriak ipintzeko.

2016ko urtarrilaren 29a

Bakegintza eta Bizikidetzarako Idazkaritza Nagusia